

**PROCESVERBAL – Tipi i kontratës - shërbim**

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE  
KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**OBJEKTI I PROCEDURËS:**

“Shërbimi internet në OST për një periudhë 2 vjeçare”.

**KODI PËRKATËS NË FJALORIN E PËRBASHKËT TË PROKURIMIT (CPV):**

72400000-4 – Shërbimet e internetit.

**VLERA E FONDIT LIMIT:**

3,564,000 (tre milion e pesëqind e gjashtëdhjetë e katër mijë) Lekë pa TVSH.

Në bazë të nenit 21, pika 2, të Ligjit nr.162/2020 “Për prokurimin publik”, i ndryshuar, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti kontraktor “**Operatori i Sistemit te Transmetimit**” (OST) sh.a. ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

**I. KRITERET E VEÇANTA TË KUALIFIKIMIT**

**1. Ofertuesi duhet të paraqesë:**

a. *Formularin Përmbledhës të Vetëdeklarimit, sipas shtojcës 10*

b. *Sigurimin e Ofertës, sipas Shtojcës 3;*

**Argumentimi:** Kërkesat e mësipërme bazohen në nenet 76, 82 dhe 83 të LPP, i ndryshuar, nenit 26, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

**2. Kandidati/Ofertuesi duhet të dorëzojë:**

**2.1. Përshtatshmëria për të kryer veprimtarinë profesionale (nëse është e aplikueshme):** me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 10.

**Argumentimi:** Kërkesa e mësipërme bazohet në nenin 77, pika 1/a dhe 2, të LPP, i ndryshuar, nenit 41, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

## **2.2. Kapaciteti ekonomik dhe financiar:**

*2.2.1 Për të provuar kapacitetet financiare dhe ekonomike, operatori ekonomik ofertues duhet të ketë xhiro minimale vjetore të realizuar, për periudhën e 3 (tre) viteve të fundit financiare (2025-2024-2023), të paktën 1,420,000 (një milion e katërqind e njezet mijë) Lekë.*

- *Kur ofertohet për Lotin 1, duhet të jete në një vlerë të pakten prej 860,000 (teteqind e gjashtedhjetë mijë) Leke.*
- *Kur ofertohet për Lotin 2 duhet të jete në një vlerë të pakten prej 560,000 (peseqind e gjashtedhjetë mijë) Leke.*

*Kjo kërkesë konsiderohet e përmbushur nëse operatori ekonomik arrin vlerën e xhiros minimale, në të paktën një vit të periudhës së kërkuar.*

*Si prove për plotësimin e këtij kriteri kualifikues, operatori ekonomik ofertues duhet të disponojë vertetim nga Administrata Tatimore ku të tregohet xhiroja vjetore për vitet e sipërpermendura.*

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i vlerës së kërkuar argumentohet si më poshtë:

Duke marrë në konsideratë shërbimet objekt procedure prokurimi, kërkohet që OE ofertues të paraqesë se disponon kapacitetet e nevojshme ekonomike dhe financiare për ta realizuar ato në kohë dhe në përputhje me specifikimet teknike të kërkuara. Për këtë, OE ofertues duhet të ketë disponibilitetin e duhur ekonomik dhe me këtë qëllim, është argumentuar se vlera e xhiros të jete afërsisht në masën maksimale për secilin Lot.

---

## **2.3 Aftësitë teknike dhe profesionale:**

*2.3.1 Operatori ekonomik ofertues duhet të ketë realizuar gjatë tri viteve të fundit nga data e shpalljes së njoftimit të kontratës, kontrata të ngjashme në një vlerë të pakten prej 710,000 (shtateqind e dhjetë mijë) Lekë pa TVSH.*

*Kur ofertohet për Lotin 1, duhet të jete në një vlerë të pakten prej 430,000 (katërqind e tridhjetë mijë) Leke.*

*Kur ofertohet për Lotin 2 duhet të jete në një vlerë të pakten prej 280,000 (dyqind e tetëdhjetë mijë) Leke.*

*Lidhur me kete pike:*

*Kur OE ka realizuar kontrata me nje ent publik, kerkohen vërtetime të lëshuara nga ky i fundit, për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, dhe të deklaruar në organet tatimore, ku shënohen datat, shumat dhe shërbimet e realizuara.*

*Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruar në organet tatimore, ku shënohen datat, shumat dhe shërbimet e realizuara.*

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 41, pika 3, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën e kërkuar për secilin Lot, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marrë në konsideratë cilësinë e shërbimeve objekt procedure prokurimi, është menduar se vlera e kërkuar që OE ofertues të ketë bërë me kontrata të ngjashme, të jetë afër limitit maksimal dhe në këtë mënyrë, AK ka sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikojnë në ecurinë e punës së AK.

---

*2.3.2 Operatori Ekonomik ofertues (për njerin nga lotet që oferton) duhet të ketë numrin e nevojshëm të punonjësve për realizimin dhe zbatimin e kontratës. Numri mesatar i punonjësve të siguruar për periudhën 3 muajt e fundit nga data e publikimit të njoftimit të kontratës duhet të jetë jo më pak se 5 (pese). Për të provuar këtë pikë, OE ofertues duhet të disponojë listepagesat përkatëse për periudhën e kërkuar.*

*Për pikën si më sipër operatorët ekonomik ofertues duhet të paraqesin formularin e vetëdeklarimit sipas shtojcës Nr. 10.*

*Ndërsa operatori ekonomik i kualifikuar i pari, duhet të dorëzojë pranë AK, përpara publikimit të njoftimit të fituesit dhe fillimit të afatit të ankimimit, të gjithë dokumentacionin provues të kërkuar si më sipër.*

**Argumentimi:** Kërkesa për kualifikimin e nevojshëm profesional është në përpjestim dhe e lidhur ngushtë me objektin e kontratës dhe me aftësitë zbatuese të ofertuesit. Ky kriter respekton parimin e mosdiskriminimit dhe është kërkesë e mundur të plotësohet nga cdo OE, e cila ka në objektin e tij tregtar këtë natyrë shërbimi. Ky shërbim është i rëndësishëm për OST sh.a duke pasur parasysh edhe rëndësinë e vecantë që ka përdorimi i internetit si infrastrukturë komunikimi ndërmjet entiteve qëndrore me ato lokale të OST sh.a. por edhe lidhjet me jashtë OST, për këtë është kërkuar një shërbim i vazhdueshëm dhe cilësor 24 orë /24 orë dhe në 7 ditë të javës. Kompania është e

detyruar të ofrojë shërbim teknik të nevojshëm pranë OST sh.a. dhe për këtë është e nevojshme numri i punonjësve përgjegjës për mirëmbajtjen me efikasitet të kësaj lidhjeje.

Ky kriter mbështetet në pikën 4, të nenit të 77, të Ligjit Nr. 162, datë 23.12.2020 “Për prokurimin publik”, i ndryshuar dhe nenit 41, pika 4/ b), të VKM Nr. 285, datë 19.05.2021 “Për miratimin e rregullave të prokurimit publik” i ndryshuar.

2.3.3 *Operatori ekonomik ofertues (per njerin nga lotet qe oferton) duhet të disponojë AS të regjistruar pranë RIPE NCC (European IP Networks).*

2.3.4 *Numri aktual i “Peer” që operatori ekonomik ofertues (per njerin nga lotet qe oferton) duhet të disponojë nuk duhet të jetë më i vogël se 15 (sipas RIPE NCC database ose <http://bgp.he.net/>), gjithashtu duhet që të ketë të paktën (2) dy “Peer” me një provider AS, të regjistruar jashtë territorit të Shqipërisë.*

**Argumentimi:** Kerkesat e mersiperme jane te rendesishme pasi objekti i prokurimit perfshin shtete te ndryshme ne bashkepunim me njeri-tjetrin. Per kete eshte e nevojshme te marrevshja e bashkepunimit si dhe detyrimi ligjor per licensen e AKEP. Kerkesat e mesiperme jane te rendesishme per te garantuar disponueshmerine dhe qendrueshmerine e sherbimit te aksesit internetit ne nivel nderkombetar, si dhe ofrojne siguri dhe stabilitet te sherbimit te Internetit.

Ky kriter mbështetet në pikën 4, të nenit të 77, të Ligjit Nr. 162, datë 23.12.2020 “Për prokurimin publik”, i ndryshuar dhe nenit 41, pika 4/a, të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar.

2.3.5 *Operatori ekonomik ofertues (per njerin nga lotet qe oferton) duhet të jetë e regjistruar pranë regjistrimit të AKEP për ofrimin e shërbimit, për këtë të paraqesë autorizimin përkatës per Radio Link me frekuence te licensuar AKEP 12/13 Ghz, meqenese infrastruktura ekzistuese qe disponon Autoriteti Kontraktor është mbështetur mbi këto breza. Megjithatë, do të pranohet edhe që OE ofertues të paraqesë autorizimin përkatës per Radio Link me frekuence te licensuar AKEP -38 Ghz, me kushtin që OE ofertues të marrë përsipër (me nje deklarate) qe të ngrejë të gjithë infrastrukturën e nevojshme për realizimin e këtij shërbimi, në përputhje me Specifikimet Teknike.*

**Argumentimi:** Autoriteti i Komunikimeve Elektronike dhe Postare eshte institucioni i cili leshon lejen per shfrytezimin e brezit te frekuencave. Ky autorizim kerkohet per arsyen qe Radio Link mos te kete interferenca me radio te tjera.

Ky kriter mbështetet në pikën 4, të nenit të 77, të Ligjit Nr. 162, datë 23.12.2020 “Për prokurimin publik”, i ndryshuar dhe nenit 41, pika 4/a, të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar.

2.3.6 *Operatori Ekonomik ofertues duhet te kete specialiste te certifikuar si me poshte:*

- *1-Specialist te certifikuar si CCNA/ose ekuivalent*
- *1- Specialist te certifikuar si CCNA Security/ose ekuivalent*

*Shenim: Nje punonjes mund te kete me shume se nje certifikim.*

*Lidhur me kete pike operatori ekonomik ofertues duhet te disponoje certifikimet e punonjesve dhe listepagesat perkatese E-Sig.*

*Për pikën si më sipër operatorët ekonomik ofertues duhet të paraqesin formularin e vetëdeklarimit sipas shtojcës Nr. 10.*

*Ndërsa operatori ekonomik i kualifikuar i pari, duhet të dorëzojë pranë AK, përpara publikimit te njoftimit te fituesit dhe fillimit te afateve te ankimimit, të gjithë dokumentacionin provues të kërkuar si më sipër.*

**Argumentimi:** Kërkesa për kualifikimin e nevojshëm profesional është në përpjestim dhe e lidhur ngushtë me objektin e kontratës dhe me aftësitë zbatuese të ofertuesit. Ky kriter respekton parimin e mosdiskriminimit dhe është kërkesë e mundur të plotësohet nga cdo OE, e cila ka në objektin e tij tregtar këtë natyrë shërbimi.

Specialist te certifikuar si CCNA/ose ekuivalent – Certifikimi per CCNA ose ekuivalent deshmon qe OE ka staf te certifikuar per realizimin e një lidhje redundante WAN/LAN, si dhe për administrim rrjeti.

Specialist te certifikuar si CCNA Security/ose ekuivalent – Certifikimi per CCNA Security ose ekuivalent deshmon qe OE ka staf te certifikuar ne nivel sigurie per administrim rrjeti. Me qellim rritjen e sigurise ne piken e lidhjes midis dy sistemeve.

Ky kriter mbeshtetet ne pikën 4, të nenit të 77, të Ligjit Nr. 162, datë 23.12.2020 “Për prokurimin publik”, i ndryshuar dhe nenit 41, pika 4/ b), të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar.

2.3.7 *Operatori ekonomik ofertues (per njerin nga lotet qe oferton) qe do te realizoje kete kontrate, duhet te jete i pajisur dhe te paraqese certifikaten perkatese te vlefshme te ISO-ve, (te perkthyer ne shqip dhe te noterizuar) te leshuar nga organizmat e vleresimit te konformitetit, te akredituara nga DPA, ose organizma nderkombetare akreditues te njohur nga Republika e Shqiperise, si me poshte:*

- ✓ *ISO 9001: certifikatën e menaxhimit të cilësisë së shërbimit, që kanë lidhje me objektin e kontratës;*
- ✓ *ISO 27001: për sistemin e menaxhimit të sigurisë së informacionit, në lidhje me objektin e kontratës,*

**Argumentimi:** Ky kriter u vendosën në përputhje me parashikimin e nenit 36 dhe nenit 77, të Ligjit Nr. 162, datë 23.12.2020 “Për prokurimin publik”, i ndryshuar si dhe nenit 44, të VKM-se

Nr. 285, datë 19.05.2021 “Për miratimin e Rregullave të Prokurimit Publik” i ndryshuar, ne baze te Njoftimit të Agjencisë së Prokurimit Publik Nr.2502 Prot., date 09.04.2021, si dhe ligjit nr. 116/2014 “Për akreditimin e organeve të vlerësimit të konformitetit në Republikën e Shqipërisë”, ku percaktohet se këto Certifikata duhet të jenë të lëshuara nga organizma certifikues të akredituar, me qëllim që enti prokurues të krijojë sigurinë që operatorët ekonomik ofertues i kanë kapacitetet teknike lidhur aftësinë e tyre për te kryer sherbimin objekt kontrate. Me anë të këtij kriteri kërkohet që operatorët ekonomikë të dëshmojnë se disponojnë licencat profesionale që parashikohen nga legjislacioni në fuqi për kryerjen e shërbimeve, objekt i kontratës, të lëshuara nga autoritetet kompetente kompetente.

**Standarti i cilesise ISO 9001:** eshte sot referimi i njohur ne nivel nderkombetar, per certifikimin e sistemit te menaxhimit te cilesise te kompanive te te gjithë sektoreve dhe te gjithë permasave. Ky kriter kerkohet nga AK me qëllim për të vërtetuar cilësinë e shërbimit dhe të garantojë realizimin në kohë, me sukses dhe me cilësi sipas standardeve ndërkombëtare të objektit të kontratës.

Në lidhje me kërkesën që OE ofertues të paraqesë licencen e sipercituar është menduar si i domosdoshëm për natyrën dhe vlerën e kontratës, me qëllim për të siguruar AK që mallrat e ofruar do të jenë cilësorë dhe me parametra që plotësohen nga prodhues të licencuar sipas standardeve ndërkombëtare te cilesisë. Plotesimi i këtyre kriterëve nga ofertuesit e interesuar, garanton realizimin me sukses dhe me cilësi të objektit të kontratës.

**Certifikata e menaxhimit te sigurise se informacionit ISO 27001:** eshte e nevojshme pasi përcakton kërkesat për një sistem menaxhimi të sigurisë së informacionit. Per shkak te rëndesise se veçante që ka AK në Republikën e Shqipërisë, posaçërisht ne sistemin elektro-energjitik, gjykohet se informacioni duhet mbrojtur dhe Kontraktori objekt procedure prokurimi, duhet te nderhyje ne sistemin e brendshem te AK. Certifikimi sipas kesaj kategorie konfirmon ekzistencën dhe funksionimin e kontrolleve te OE ofertues dhe i jep sigurine e nevojshme AK.

2.3.8 *Operatori Ekonomik duhet të paraqesë një propozim teknik të shoqëruar me skemat e rrjetit të ofertuesit, për zgjidhjen teknike për ofrimin e shërbimit si dhe planin e back-up për ofrimin e shërbimit, duke perfshire edhe mbrojtjen nga sulmet DDoS. Mbrojtja nga sulmet DDoS do të ofrohet per linjën e internetit në site primar nëpërmjet monitorimit, njoftimit dhe pastrimit automatik të sulmeve DDoS që trafikohen në rrjetin e Institucionit duke ofruar kështu; mbrojtje të serverit, mbrojtje të infrastrukturës BGP (Border Gateway Protocol), mbrojtje në bazë volumetrike, rrugëzim (routing) të trafikut drejt një “Scrubbing Center” qëndërzim pastrimi, i cili duhet të ketë lidhje Intranet Layer 2 nga operatori ekonomik për të rrugëzuar të gjithë trafikun në rast sulmesh. Monitorim 24 orë / 7 ditë dhe suport nga specialistë me eksperiencë në këtë shërbim. Ky kriter plotësohet me dorëzimin e propozimit Teknik.*

**Argumentimi:** Ky kriter mbeshtetet ne pikën 4, të nenit të 77, të Ligjit Nr. 162, datë 23.12.2020 “Për prokurimin publik”, I ndryshuar dhe nenit 41, të VKM Nr. 285, datë 19.05.2021 “Për miratimin e rregullave të prokurimit publik” i ndryshuar.

2.3.9 *Ne funksion te plotesimit te Shtojces 10 “Formulari permbledhes i vetedeklarimit” Operatori Ekonomik ofertues duhet te jape te dhena te qarta si Emer, Mbiemer, Atesi, Amesi, Datelindje, Vendlindje, Numer Personal, si dhe kopje te skanuar te dokumentit te identifikimit (shqiptar ose te huaj), per Administratorin/Administratoret e shoqerise, Ortakun/Ortaket e shoqerise, perfaqesues te ndryshem te posacem te shoqerise, drejtues te ndryshem te shoqerise.*

**Argumentimi:** Ky kriter vendoset referuar njoftimit të përbashkët Nr. 1155 prot, datë 01.02.2019, të Agjencisë së Prokurimit Publik dhe të Ministrisë së Drejtësisë Nr. 1001/1 prot, datë 01.02.2019, sipas parashikimeve të nenit 76/1, të Ligjit Nr. 162, datë 23.12.2020 “Për prokurimin publik”, I ndryshuar, Autoriteti Kontraktor OST sh.a. ka detyrimin e verifikimit të personave të cilët janë në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose ka kompetenca përfaqësuese, vendimmarrjeje ose kontrolluese brenda operatorit ekonomik.

Per këtë arsye, verifikimi i ketyre personave kerkon te dhëna te sakta si emër, mbiemër, atesi, amësi, vendlindje, datëlindje e numrin personal të personi.

## **II. Argumentimi i specifikimeve teknike**

*Specifikimet teknike jane hartuar duke marre ne konsiderate nevojat e Autoritetit Kontraktor, per mallrat objekt procedure prokurimi, duke perllogaritur sasite e nevojshme, karakteristikat e duhura dhe standardet e duhura kombetare dhe nderkombetare, sipas parashikimeve te nenit 36, te Ligjit Nr. 162, date 23.12.2020 “Per prokurimin publik”, i ndryshuar.*